

殷酉壘施戎

六

殷酉壘施戎

漢書門			
類	號	函	架
二	五	八	二
一	二	一	一

內閣文庫			
類	號	冊	函
二	五	八	二
一	二	一	一

內閣文庫	
番號	漢 12185
冊數	12 (6)
函號	300 214



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



醫學館寄宿
寮書籍之記



醫學元戎卷第六

趙州教授兼提舉管內醫學王好古進之筌次

二陽拾遺例

海藏通聖散評議

通聖散治雜病最佳治傷寒傷風有失其故
何也防風麻黃葱豉汗也大黃芒硝下也
子滑石利小便也經云發表攻裏本自不同
故發表不遠熱攻裏不遠寒仲景云當汗而
反下之者逆也當下而反汗之者亦逆也又
云桂枝下咽陽盛則斃承氣入胃陰盛乃亡

大學東
交典

醫學元戎

既有汗藥而復有下藥發表攻裏合而並進
 有失古人用藥之本意兼日便不宜遽利若
 利之過則燥而畜血汗之不當則生黃下之
 不當則結胸若藥隨虛實而變上行則有汗
 多亡陽之證下行則有下多亡陰之證其害
 非輕可不慎歟在大定間此藥盛行於世而
 多效何哉當時雖市井之徒口腹備衣著全
 心志樂而形不苦雖然用涼藥多効而少失
 如今之時乃變亂之餘蒸鹽糟糠有所不充
 加以天地肅殺之運五十餘年敢用涼藥如

平康之世耶故多失而少効有如仲景用桂
 枝當漢之末也韓祗和解桂枝當宋之隆也
 其時世之異不可不知兼藥犯三禁傷風不
 宜汗而汗之一也傷寒不宜下而下之二也
 小便不宜重利而利之三也若知此而不犯
 亦無生黃畜血結胸之證故餘有白朮神朮
 二湯以革世醫之弊云耳

韓氏微旨論和解因時法

李思訓保命傷寒亦出此書論

傷寒病有可汗者論中但統言其汗證及可
 汗脉或云脉浮弱或云脉浮而數或云脉浮

緊或云脉浮無汗而喘或云脉浮爲在表今
畧舉數條後人但憑其脉之大槩並不分脉
浮有陰陽虛實之理又不分有可汗不可汗
之趣誤投發表藥則多變成陽毒之患今舉
病人有汗惡風無汗發熱分爲三等及據立
春已後至立秋已前氣候輕重各方治之庶
學者易爲開誤耳 病人二三日已前兩手
脉浮數或緩或急緊按之則軟寸關尺若力
齊等其力不甚大不甚小者亦未可便投解
表藥此是見表證未見表脉也直候寸脉力

小如關尺脉大即可投表藥大抵治傷寒病
見證不見脉未可投藥見脉不見證雖小投
藥亦無害矣凡治雜病以色爲先脉爲後治
傷寒病以脉爲先證爲後病人兩手脉浮數
而緊名曰傷寒若關前寸脉力小關後尺脉
力大雖然不惡風不自汗出此乃陰氣已盛
先見於脉也若不投藥和之後必惡風及自
汗出若立春已後至清明以前宜調脉湯主
之清明已後至芒種以前宜葛根芩胡湯主
之芒種已後至立秋以前宜人參桔梗湯主

之... 宜入...

調脉湯

葛根一兩 防風去芦 甘草炙各半兩 前胡去苗三分

右為麤末每服二錢水一鍾生薑二塊如小

指大擘破煎至七分去粗溫服如寸脉依前

力小加棗三箇去核同煎煎成小滿分服

葛根苳胡湯

葛根二兩 苳胡去苗 芍藥一分 甘草炙

桔梗各三分

右吹咀每服二錢水一鍾生薑二片煎至七

分去滓熱服如寸脉依前力小加葱白三寸
同煎服

人參桔梗湯

人參 桔梗木 甘草炙各三分 麻黃去節一兩

石膏三兩

右吹咀每服二錢水一鍾荊芥五穗煎至七

分去粗熱服如寸脉依前力小加麻黃二分

去節同煎服 病人兩手脉浮數而緩名曰

中風若寸脉力小尺脉力大然不惡風自汗

出此是陰氣已先見於脉若不投藥和之後

必惡風自汗出若立春已後清明以前宜薄荷湯主之清明以後至芒種以前宜防風湯主之芒種以後至立秋以前宜香芎湯主之

薄荷湯

薄荷一兩防風去芦葛根各半甘草炙

人參各三分

右咬咀每服二錢水一鍾煎至七分去粗熱入服如三五服寸脉力尚小加薄荷三分

防風湯

防風去芦厚朴去粗皮炙桔梗各三分

甘草炙旋覆花各半

右咬咀每服三錢水一鍾生薑二塊如指大擘破煎至七分去滓熱服如三五服如寸脉力尚小加荊芥五七穗同煎

川芎湯

川芎一分升麻三分石膏二兩厚朴薑汁炒

甘草炙各半兩

右咬咀每服三錢水一鍾煎至七分去粗溫服如三五服後寸脉尚小加細辛二分前二段又將傷風與傷寒各立法者何蓋謂病

前人始得病三日以前或因傷風脈緩或因傷寒脈緊然脈雖先見而病證猶未見尚可以藥解之故各立方耳一病人兩手脈浮數或緊或緩寸脈短反力小於關尺脈者此名陰盛陽虛若自汗出而惡風者是邪氣在表陰氣獨有餘也素問曰陰氣有餘為多汗身寒是也即可投消陰助陽發表藥治之若立春以後清明以前宜六物麻黃湯主之清明以後至芒種以前宜七物芫胡湯主之芒種以後至立秋以前宜以發表湯主之

六物麻黃湯

麻黃

去節一兩

蒼朮

泚浸

葛根

各半兩

甘草

炙

人參

各半兩

右咬咀每服三錢水一鍾棗二枚煎至七分去滓熱服如三五服後汗未止猶惡風者加荊芥半兩如三五服後不惡風猶汗自出者加舶上丁香皮半兩

七物芫胡湯

芫胡

二兩

蒼朮

去黑皮

甘草

炙

荊芥穗

各二兩

麻黃

去節一兩

右吹咀每服二錢水一鍾生薑一塊如指大
 擘破棗二枚擘破同煎至七分去滓熱服如
 服三五服後汗未止猶惡風者入葱白三寸
 如三五服汗猶未止者加當歸一兩每服加
 棗二枚同煎服

發表湯

麻黃

去節一兩五錢

蒼朮

去黑皮三兩

當歸

去芦

人參

各半兩

甘草

炙五分

舶上丁香皮

二分

右吹咀每服三錢水一鍾入生薑一塊如指
 大擘破棗三枚擘破同煎至七分去滓熱服

如三五服後汗未止猶惡風者加桂枝三分
 如汗未止更加細辛半兩以汗止為度
 病人脉浮數或緊或緩其脉上出魚際寸脉力
 大於關尺者此名陽盛陰虛也若發冒悶口
 燥咽乾者乃是邪氣在裏陽氣獨有餘也素
 問曰陽氣有餘為身熱無汗是也可投消陽
 助陰藥以解裏若立春以後至清明以前宜
 人參湯至之清明以後至芒種以前宜前胡
 湯至之芒種以後至立秋以前宜石膏湯至
 人之

人參湯

人參半兩 甘草炙 芍藥各三分 石膏二兩

芫胡去苗一兩

右吹咀每服三錢水一鍾生薑一塊如指大

擘破同煎至七分去滓熱服如三五服後依

前熱未解每服入豉三十粒水一鍾同煎至

八分去滓熱服

前胡湯

人參 前胡 南星 半夏麩 木香

枳殼 橘紅 紫蘇 甘草炙 赤茯苓

已上各一錢半

右作一服水二鍾生薑五片煎至一鍾去滓

溫服

石膏湯

石膏

黃芩各三分 升麻二分 芫胡去芦

芍藥 炙甘草去紅皮各一兩

右為末每服三錢水一鍾半入豉一合煎至

八分去粗熱服如服三五服後熱未解加知

母一兩又熱未解加大青二兩病人兩手

脉浮數或緊或緩三部俱有力無汗惡風者

此是陰陽氣俱有餘素問曰陰陽有餘則無汗而寒是也可用藥平之若立春以後至清明以前宜解肌湯主之芒種以後至立秋以前宜知母湯主之

解肌湯

石膏 二兩 麻黃 去節三分 升麻 甘草 炙各半兩

右吹咀每服三錢水一鍾半入豉半合煎至八分去滓熱服如三五服後猶惡風者加麻黃半兩石膏一兩

芍藥湯

芍藥 各一兩 石膏 三兩 荊芥穗 各一兩

右吹咀每服三錢水一鍾入薑一塊如指大擘破同煎至七分去滓熱服如三五服後猶惡風每服加生薑一塊如指大擘破同煎

知母湯

知母 各一兩 石膏 三兩 麻黃 去節 升麻 各一兩

右吹咀每服三錢水一鍾入生薑一塊如指

大擘破同煎至八分去滓溫服三五服後猶惡風加麻黃半兩升麻半兩

仲景云傷寒爲病脈緩者名傷風脈緊者名傷寒今分此二端者何也始因冬寒毒之氣中人其內伏之陽沈潛於骨髓之內每春夏發時皆因外傷寒引內邪出或外傷風而引內邪出及乎內邪既出而爲病一也故古人立此二端恐後疑其緊脈與緩脈治法別也若傷風與傷寒脈異何故仲景無別法治之此乃後人不究仲景之心也

前三段又將傷風與傷寒一法治者何蓋病人始得病後脈與證俱見若投解利藥必不得愈故立前方同法而治之

病人始得病一二日至五六日尚有表脈及表證者亦可以依脈證投藥凡投解表及發表藥每日可飲三服若證甚可至五服外不可頻服藥也如證未解次日依前再投如證依前未解可作熱粥內加葱白亦可也汗出勿厚衣蓋覆恐出汗太過作亡陽證也傷於風者上先受之傷於濕者下先受之

海藏云韓氏微旨可汗一篇有和解因時發言傷寒之脉頭小尾大傷風之脉頭大尾小李思訓保命新書亦分寸尺與韓氏同之非若前人總言尺寸脉浮而緊尺寸脉俱浮而緩緊則爲傷寒無汗緩則爲傷風自汗又有傷寒有汗者有傷風無汗者脉亦互差與證不同前人已盡之矣惟韓李所言頭小尾大卽爲傷寒尾小頭大卽爲傷風也人病間有脉證異於尺寸者故韓李之述爲和解因時發前也恐後人疑其不與前聖合遂於本方藥又

立加減數條亦不越前人之意何其當哉兼二公者當宋之盛時故有戒桂枝麻黃不可輕用故用石膏麻黃葛根芩胡之平劑當時則非百世常行時世遷移之活法也可汗一篇若從湯液隨證應用自是規雖明哲不可踰又寸口脉小飲冷與霧露所傷同作中焦治之韓李云傷寒寸小者勿認與飲冷與霧露同傷一體也飲冷霧露寸口舉按全無是陰氣在胃不和陽氣不能外越也傷寒寸口小者只於關以下至膀胱本部見之寸

口雖小只是舉之微小沈得有也非若飲冷
霧露舉按全無也若果寸口舉按全無即不
可解利則只宜溫中不可不知耶

韓氏十四藥定經

調脉湯 陽明少陽也

葛根芩胡湯 陽明少陽也

人參桔梗湯 太陽陽明也

薄荷湯 陽明也

防風湯 陽明也

香芎湯 陽明也

六物麻黃湯 太陽陽明也

七物芩胡湯 太陽少陽也

八發表湯 太陽也

人參湯 陽明少陽也

石膏湯 陽明少陽也

解肌湯 太陽陽明也

芍藥湯 太陽陽明也

知母湯 太陽陽明也

右韓氏十四藥以經絡求之各有部分輕重
緩急自有所宜運氣加臨各極其當因而在

其中矣不必分至之遠近寒暑之盛衰而謂之因時也

仲景瓜蒂散例

仲景瓜蒂散

病人桂枝證頭不痛頂不強寸脉微浮胸中痞鞭氣上衝咽喉不能太息者此為胸中有寒也當吐之宜

瓜蒂散

瓜蒂

赤小豆

各等分

右為細末每服一錢七豉一合湯七合先漬

之須臾煮作稀粥去粗調散溫服頓不吐少少加之得快吐乃止諸亡血虛家不可用此

宋氏仲景鈴法噎藥瓜蒂散

瓜蒂

十四箇

丁香

一箇

黍米

四十九粒

右細末噙水一口噎鼻下黃涎

治偏正頭痛久不愈服諸藥及針刺莫能効者以其濕氣在頭也一味細末一味者瓜蒂也少許噎之鼻中清水徐徐出一晝夜濕盡痛止為度此亦吐之意也經云濕氣在上以苦吐之

故邪在胸中者服之邪在頭目者噉之皆吐之屬也張子和云點目出淚噉鼻瀝涕口食漉涎皆有以同乎吐也

又濕在胸中故發頭痛瓜蒂末一錢赤小豆末半錢米湯調下吐之或醋漿亦得濕氣在頭者此藥亦能吐之然莫若噉之為愈也

瓜蒂散治傷寒三四日者或覺心滿堅硬脚手心但熱變黃不治而欲死者宜瓜蒂為細末每服一字吹鼻中令黃水出餘殘末用水調飲之得嘔黃水一二升乃愈

小兒久患風癘纏喉風痺及大人風涎潮熱發不省人酒積食勞黃疸脾濕腫滿勞熱上喘肌熱咳嗽中滿眩暈膈實痰飲厥厥頭痛一切胸上病患脉沈實按之有力者並約量劑料輕重多少服之以上瓜蒂吐不止用麝香湯解之

勝金丸

薄荷 半斤 瓜蒂 半斤 藜蘆末 二兩 朱砂 兩半

豬牙皂角 二兩

右牙皂搥碎水一升與薄荷一處揉取汁熬

成膏子別將藜蘆瓜蒂硃砂研勻用膏子和丸龍眼大以餘硃砂爲衣溫酒化下一丸以吐爲度得吐而省人事者愈不省則不可救也或者謂中氣風無吐法下金虎碧霞以爲戒且如卒暴痰生聲如拽鋸牙關不開湯藥不能入其命須臾若無此吐法其誤人之旨深矣

瓜蒂散

治痰飲酒積食勞留飲停滯或寒結胸中熱鬱所化并宜用之

瓜蒂

赤小豆

各七十箇

人參

半錢去芦

生甘草

二錢半

右細末每服一二錢量虛實加減酒調空心辰刻飲之

三聖散

防風

瓜蒂

各三兩

藜蘆

一兩或半兩

右粗末每用三錢以薑汁一大盞煎至七分去滓溫服飲探引令吐爲度宜靜煖室不透風處用吐至以好醋葱湯解之

古今吐法不一在胸中者或嘔之在頭者或

吐之何也答曰頭為天之天肺為天之地鼻為肺之竅胸為肺之俯揔而言之則皆心君之上無形之中至高之分故用之錯而効之同也

衍義云瓜蒂即甜瓜蒂也瓜蒂成熟則自落其蒂在蔓莖上採得曝乾不以多少為細末量病輕重每服一二錢七膩粉一錢七以水半合用調勻灌之

治風涎暴作氣塞倒仆服之良久涎自出或服藥良久涎不出含砂糖一塊下咽則涎出

此物甚不損人全勝石碌硃砂等
食療云瓜蒂主身面四肢浮腫殺虫去鼻中息肉陰黃黃疸及暴急黃
瓜蒂丁香各七枚
小豆為末吹黑豆許搐于鼻中少時黃水出
差

張文仲治傷寒熱病瘴瘧及胸中惡痰飲須可吐者鹽末一大匙以生熟湯調下須臾即吐吐不快者宜更服甚良又曰近効方與備急方同

經驗方 治遍身如金色黃

瓜蒂四十九箇六月十日收者佳丁香四十九個

右二味用乾鍋子內燒烟盡度細碾末大人一字字小兒半字吹鼻中及擦牙立効

外臺肘後方

療傷寒汗出不渴三四日胸中惡心欲吐者

豉三斤以綿裹之鹽一兩

右二味以水七升煮取二升半去滓內蜜一升又煮二服頓服二升安臥當吐不吐再服

又方

苦參二分甘草一分瓜蒂一分赤豆各二分

右四味加以水一升煮取半升作一服服之當吐若吐不止者以葱豉粥解之必止忌海藻松菜

又方

苦參 黃芩各二兩生地黄半斤

右三味切以水八升煎取二升服一升或吐下毒物忌蕪荑

仲景治百合例 金匱祖方全

百合知母湯 百合滑石代赭石湯

百合鷄子湯 百合地黄湯

又方

治傷寒腹中痛

百合一兩炒黃為末米飲調服

孫真人治陰毒傷寒

百合煮取濃汁服之一升良

素問解仇 仲景百合諸湯 活人說百合

又證

右仲景百合諸湯名本草所言備矣後活人

主治服餌載之百問讀者當知其祖

百合知母湯 治百合發汗後者

百合七枚知母二兩

右先以水洗百合漬一宿當去白沫去其水

更以泉水二升煮取一升去滓別以泉水二

升煮知母取一升去滓後合和再煎取一升

半分二溫服

百合滑石代赭石湯 治百合病下之後者

百合七箇滑石三兩代赭石如彈子大一

右先將百合如前法製後去滓別以泉水二

升煮滑石代赭石取一升去滓後合和再煮

取一升半分二溫服

百合鷄子湯 治百合病吐之後者

百合七箇 鷄子一箇取黃用

右先將百合如前法製後去粗內鷄子黃攪

令勻溫服

百合洗方 治百合彌月不解變成渴者

百合一升 右水一升漬一宿以洗身洗已

食煮餅勿以鹽鼓也

百合地黄湯 治百合病不經汗下吐病形如

初者

百合七箇 生地黃取汁一升

右先以水洗百合漬一宿出白沫去之更換以泉水二升煮取一升去滓內地黃汁煮取一升分溫再服中病則止大便下如漆

百合滑石湯 治百合病變寒熱

百合一兩 滑石三兩

右同為細末米湯調服方寸匕若微利者止再服

百合括蕒牡礪湯 治百病不差

百合 括蕒根 牡礪已上各等分

右為末每服方寸匕日二三服

海藏百合四君子湯 治老弱虛人不得眠

解你尺脉緩瀯尺為陰部腹腎主之緩為熱

中瀯為無熱而無血故解你而不可名之然

寒不寒熱不熱弱不弱壯不壯寧不可名為

之解你也惟百合一證與此比比相若

病源小品萎絀湯

療冬溫及春月傷風傷寒則發熱頭眩疼痛

咽喉乾舌強胸內疼心胸痞滿腰背強痞者

結病也

萎絀一兩 白薇一兩 麻黃去節 獨活一兩

芎藭一兩 杏仁去皮 青木香如無以麝香

甘草已上各二兩 石膏三分為末綿裹

右九味切以水八升煮取三升分三服若一

寒一熱加朴硝 分及大黃三兩下之忌海

藻菘菜 古方錄驗同 一方有葛根二兩

千金療傷寒傷風五六日以上但胸中煩乾嘔

者宜括萹實湯主之方祖金匱

括萹實一兩 茈胡半斤 黃芩各二兩 甘草各二兩

生薑四兩 大棗十枚

右六味切勿令大碎吹去末以水一斗二升

煮得六升絞去滓更煎取三升溫服日三次
千金翼五苓散

論云豬苓散此當在太陽五苓散條下

豬苓 茯苓 白朮 桂心

澤瀉 五分

右五味搗篩末服方寸匕日三多飲煖汗出

愈

甘草瀉心湯 傷寒中風醫反下之其人下利

日數十行水穀不化腹中雷鳴心下痞堅而

嘔乾嘔心煩不能得安醫見心下痞以為病

未盡重復下之其痞益甚此非結熱但以胸

中虛客氣上逆故堅痞轉甚甘草瀉心湯主之

甘草 黃芩 大棗 黃連

乾薑 半夏

右六味切以水一斗煮取六升分六服一方

有人參三兩

古今經驗療中風傷寒脉浮發熱往來汗出惡

風頸強鼻鳴乾嘔陽旦湯主之方

大棗 桂心 芍藥 生薑

甘草 黃芩

右六味以咀以泉水六升煮取四升分四服
 日三自汗者去桂心加附子一枚煩渴者去
 桂加栝蓰二兩利者去芍藥桂加乾薑三兩
 附子一枚炮心下悸者去芍藥加茯苓四兩
 虛勞裏急者正陽旦湯主之煎得二升內膠
 飴半升分為再服若脈浮緊者不可與也干
 金同

海藏十餘證辨并藥

傷風脈緊仲景大青龍湯主之無汗惡風
 仲景葛根湯主之已上二證傷風得傷寒脈

傷寒得傷風脈是也易老斷為桂枝芫黃各
 半湯

中風傷寒萎絀湯 中風傷寒陽旦湯

傷寒中風栝蓰實湯

此先後所傷不同其中變證所苦各異故用
 藥雜非桂枝麻黃之正藥也

尺寸脈盛 重感於寒 變為溫瘧

陽脈浮滑 陰脈濡弱 更遇於風變為風濕

陽脈洪數 陰脈實大 更遇溫熱變為溫毒

陽脈濡弱 陰脈洪緊 更遇溫氣變為溫疫

中風傷寒

傷風見寒

中暑中濕

中暑飲冷

蓋因傷於寒邪 又感異氣而變

凡此數症

皆重傷也

海藏云已上十餘證前後所傷不同內外變證不一非精於持診者不能別也

張文仲療傷寒白膏摩體中手當千遍藥力乃行並療惡瘡小兒頭瘡牛領馬鞍皆療之先以鹽湯洗惡瘡布拭之著膏上摩何火千遍日再自消

天雄

烏頭

炮

莽草

羊躑躅

各等分

右四味各切以苦酒湯三升漬一宿作東向露竈又作十二聚濕土各一升許成膏豬脂三斤著銅器中加竈上炊以葦薪為火令膏釋內所漬藥炊令沸下者著土聚盡遍藥成絞去滓傷寒頭痛酒服如杏核一枚溫覆取汁咽痛含如棗核日三嚙之不可近目千金同

牙齒例

海藏云牙齒者足陽明經也手陽明經也足陽

明之經走上牙中手陽明之經走下齒中牙
齒者骨之餘也堅則令人強食或血出齦爛
諸痛寒熱不一皆手足陽明也

陳希夷神仙刷牙藥白牙黑髮益精神

豬牙皂角及生薑 西國升麻蜀地黃

木律旱連槐莢子 細辛荷葉要相當

青鹽等分同燒煉 研煞將來用最良

擦牙牢齒烏鬚鬢 誰知世上有仙方

右用二兩並剉碎一新罐子盡盛其藥用瓦
子蓋口以麻索子繫定上用鹽泥固濟約厚

半寸許煞乾作一地坑子坑子方闊二尺深
約七寸先放一方磚後安藥觀子以口向下
坐用木炭一秤燒令透後清烟出稍存性去
火發一宿取出研為細末每蘸藥刷上下牙
齒溫水嗽口土之

麝香玉散

酸石榴皮 訶子各二兩 升麻 綠礬拈

何首烏 川芎 白芷 麝香錢一 五倍子

石膽礬兩各半 腦子半錢 豬牙皂灰 百藥煎

青黛 白檀二錢 零陵香 木別子各二錢

白茯苓兩一 藿香葉各一 沒石子兩半

好葶撥 青鹽 細辛 荷葉灰

右細末用藥後茶清嗽之又方無腦子加麝

香三錢

犀角升麻湯

治陽明受風熱口唇煩連鬢腫痛鼻額連頭

痛

犀角半七錢 升麻五錢 防風半三錢 羌活半三錢

川芎半三錢 白附子 白芷半二錢 黃芩半二錢

生甘草半二錢

右吹咀作一服水五錢煎二錢去滓分三服

梧桐淚散

治陽明經虛風熱所襲流傳牙齒攻斷肉則

致腫結妨悶甚者為斷間津液相搏化為濃

汁宜用此藥

梧桐淚 石膽礬 細辛根 亂髮灰一錢

黃礬錢五 蘆薈錢五 升麻錢五 麝香一錢

硃砂 川芎 當歸 牛膝各二錢半

右細末先以甘草湯漱口後用藥少許傅之

以常用少許擦牙齒去風退熱消腫化毒牢

固牙齒永無宣疳血蛀之病

升麻丸

治陽明有熱攻注牙齒腫痛脈洪大而實宜以

細辛 升麻 防已 羌活 內加牽牛

大黃瀉之加減丸數

右並等分爲末煉蜜丸梧桐子大每服二丸

臨臥溫水下

白牙齒藥

零陵香 白芷 青鹽 等分

沙鍋別研 升麻半兩 石膏別研

細辛二錢 麝香別研

右除內沙鍋石膏麝香外細末入此五味同

調勻早晨夜間用藥擦牙溫水嗽

又方升麻散

細辛六錢 川芎一兩 升麻一兩 藁本一兩

石膏一兩 皂莢一兩 白芷一兩

右每用藥少許刷牙溫水漱口用沙羅三次

三聖散 治齒斷腫痛動搖

甘葫蘆子四兩 牛膝二兩

右細末每用五錢七水一錢半煎至一錢去滓稍熱漱多時吐之嘔噦不妨食後臨睡

治齒根宜露動搖方

柳枝 防風 杏仁 白青鹽 地骨皮

細辛 生地黄 各一兩 蔓荊子 半兩

又右為細末藥一錢酒水各一錢煎至一錢去

滓熱漱冷吐

治牙齒脫落不牢方

熟銅末 二兩 當歸 一分 防風 一分

地骨皮 三兩 細辛根 一分

右為末將當歸末和銅末研如泥粉封齒日夜各二度三五日牢一月內忌硬物

簡要方治牙齒腫痛

白礬 一兩 露蜂房 一兩 微炒

右為末每用錢水一錢煎十餘沸熱漂 牙齒痛處冷吐

二十八宿散治遠年近日發牙痛

丁香 葶撥 大椒 蝎稍

右各七箇同碾為細末痛處用津點擦立止

葶撥散治風蛀牙疼牙關緊急

葶撥 草烏頭 細辛 升麻 良薑

蝎稍

右為細末如牙疼時擦少許瀝涎痛即止

擦牙藥

川芎 細辛 訶子 五倍子 百藥煎 各二錢半

二十膽礬 半兩 綠礬 半兩 麝香 如無以甘松代之

右為細末再入膽礬麝香研勻為度每用一

字臨臥刷之

立効散 治牙疼

小椒 露蜂房 青鹽 各等分

右為細末煎數沸放溫漱之痛即止

益神散 一法加青黛棗核栗蓬熏灰同末刷

牙

五倍子 半兩 訶子 三箇去核 石榴皮 三錢半

膽礬 錢半別研為末 零陵香 錢一 白芷 錢一

綠礬 半兩炒乾一 麝香 加鹽 半兩

食療去阜角 兩錢

右同炒令赤細碾夜夜用擦牙齒一月後有動者齒及血鬢並差其牙堅牢

反老還童丹

青鹽 六分 升麻 一兩 羌活 一兩 當歸 兩半

五倍子 一兩 川芎 一兩 熟地黃 一兩

豬牙皂角 一兩

右用礮子一個隨藥多少用自已退髮少許
蓋藥面用瓦子蓋之鹽泥固濟文武火煨香
熟氣絕為度冷取煞研為末每日早晨及晚
擦牙久而見効

病源曰手陽明之支脉入於齒齒是骨之所絡
髓之所養若風冷寒入於經絡傷骨冷氣入
齒根則齒痛

海藏云此骨與大腸俱熱大便祕經絡壅治而

齒斷痛者治法不同也凡齒痛藥並見外臺
祕要

古今巴豆例

本草云味辛溫主溫熱寒有毒可以通塞可
以開胃可以磨堅可以止澁又可以備急而
隨腸或佐以寒或佐以熱加以五色各隨其
藏具見於後以其此藥多治腸胃手足陽明
之經也故入三陽拾遺例金匱玉函要畧傷
寒論并雜療諸方皆張仲景祖神農法伊尹
體箕子而作也唐宋以來如孫思邈葛稚川

朱奉議王朝奉輩其餘名醫雖多皆不出仲景書也

仲景備急丸

治卒暴百病中惡客忤治口禁停尸卒死

巴豆

大黃

乾薑

各等分

右蜜丸杵千下丸如小豆大每三丸苦酒下

如幹口不開折齒灌之三物司空裴秀亦作

散用治心腹諸疾與上同巴豆即斬關奪門

之將散不及丸必用散者取其急也

三物須精新好者細末蜜丸和搗千杵丸如

小豆大胸滿卒痛如錐刀刺氣口急禁停屍
卒死以煖水苦酒服之若不下捧頭幹開灌
令下咽須臾差未和更與三丸當便腸鳴轉
即時吐下得愈若口禁不開折齒灌之藥下
即生

仲景白散

桔梗

貝母

各一字半末之

巴豆

熬研半字

右巴豆入散內碾勻服強人半錢七弱人少

減病在上必吐病在下必利不利進熱粥一

杯不止進冷粥一杯若汗出已腹痛與芍藥

三錢如上方

仲景飛尸走馬湯方

巴豆

二枚去皮心

杏仁

二枚去皮尖

右二味綿纏搥令極細投熱湯二合指捻取

白汁便飲之食頃當下量大小老幼虛實加

減服之通鬼擊病忌野豬肉蘆筍張文仲同

黑神丸 治心腹諸疾

巴豆

二錢半

鹽頭

四兩

右為細末滴水丸桐子大麥炒香水上浮不

用麥酒吞二丸

狀元丸 一名酒癱丸

神麩

炒

葛根

各半兩

半夏

一兩洗

雄黃

二錢

巴豆 五十個 白麩 一兩

右六味滴水丸桐子大麥炒香水上浮不用

麥酒下十二丸

酒癱丸

巴豆

十五個

雄黃

六塊

蝎

稍十五個

白麩

五兩

右為細末水丸豌豆大稍乾

神應丸

大治心腹脹滿宿食不消飲食所傷不喜飲

食諸藥不効

巴豆一百二十粒 麪一斤炒

右連麪一處為細末醋糊丸茶豆大冷水下
二三十丸食遠

青娥丸 此後並巴豆杏仁例

一加法 青黛一錢五分 巴豆二錢五分 白礬半兩

右蒸餅丸茶豆大每服二丸甘草湯下食後

紅粉丸

一法加胭脂治婦人血不通

一法加朱砂

解毒雄黃丸

治纏喉風急喉閉卒倒失音不語不省人事

一法加雄黃一分 鬱金一分 巴豆十四個

玉霜丸

一法加輕粉 滑石 一法加白礬

活人黑神丸

一法加鹽豉 五靈脂 治濕痰食積

錢氏紫霜丸

一法加代赭石 赤石脂 一加法

附子 烏頭治寒 一加法 大黃治熱

感應丸 主治脩製
並見本房

丁香 一錢 木香 一錢 肉豆蔻 三錢 乾薑 半兩

巴豆 半兩 杏仁 半兩 百草霜 二兩

神應丸 治冷飲注泄者立
止海藏所改法也

許學士云此方得之王景長之家近世名醫
多用即知此方乃古方也惟此為真局方高
殿前家亦非也本方雖云祕者能下泄者能
止用之少効予反覆本草味藥証但言巴豆
得大者良予改法為神應丸

木香 一錢 丁香 一錢 乾薑 半兩 百草霜 半兩

四味藥末和勻 杏仁 半兩 蠟 二兩 醋 煮

巴豆 半兩 炒去油 盡微存性

右同碾為泥上四味和勻重羅細入泥中溶
化蠟入小油半兩勻同入泥與細末中研勻
及數百迴後至凝可搓作挺蠟紙封聚每挺
可重一錢

局方感應丸

治虛中積冷氣弱有傷停積胃脘不能傳化
或因氣冷因肌飽食飲酒過多心下堅滿兩
脇脹痛心腹大疼霍亂吐瀉大便頻併後重

遲澁久利赤白膿血相雜米谷不消除而復發又治中脘嘔吐痰逆惡心喜睡頭旋胸膈痞悶四肢倦怠不欲飲食又治姙娠傷寒新產有傷若久有積寒吃熱藥不効者並悉治之又治久病形羸荏苒歲月漸致虛弱面黃肌瘦飲食或進或退大便或祕或泄不拘久新積冷並悉治之大病不過三服便見痊愈此藥溫無毒並不燥熱不損胃氣亦不吐瀉止是磨化積聚消逐溫冷療飲食所傷快三焦滯氣

新揀丁香一兩五錢南木香去蘆一兩五錢川乾薑二兩

肉豆蔻去皮二十個巴豆七十個去皮心

杏仁揀肥者去灰土一百四十個去尖

百草霜用庄家鍋底上刮者細研二兩

右七味除巴豆粉百草霜杏仁三味餘四味搗為細末與前三味同拌研令細用好蠟置和先將蠟六兩鎔化作汁以重綿濾去滓更以好酒一升於銀石器內煮蠟鎔滾數沸傾酒冷其蠟自浮於上取蠟秤用凡春夏修合清油一兩於鉢內熬令末散香熟次下酒煮

蠟四兩同化作汁就鍋內乘熱拌和前項藥末秋冬修合用清油一兩半同煎煮熱作汁和置藥末同劑分作小錠子以油單紙裹之旋丸如棗豆大每服三五粒量虛實加減溫水吞下不拘時候常服進飲食消酒毒令人不中酒又治小兒脾胃虛弱累有傷滯糞白鮮臭下利水穀每服五粒黍米大乾薑湯下不拘時候前項疾證連綿月日用熱藥攻取轉並不成効者不拘老幼虔心服餌立有神効

簡易感應丸

條合治療之法並見局方

丁香 木香 杏仁 豆蔻 乾薑

巴豆 百草霜

各等分

右用見成丸子半兩入巴豆十枚去殼爛碾成膏用烏梅三個蒸過取肉三件一處別碾令極勻丸如棗豆大今人往往見巴豆不去油不敢輒服况尊貴之人既有聲色之奉於心有怯尤不肯用但巴豆之性恠以溫煖之劑止能去花莖不動藏氣有飲則行無飲則利若病形體雖不甚壯實既有飲氣積氣之

患與夫邪氣入腹大便必祕若非挨動何由
 得去猶豫不決則病勢攻攪愈見羸之莫若
 於病始萌之時對證用之流利之後或大俯
 不調則以石菖蒲解之自然平治却於咬咀
 方中選藥調理治心腹疼痛不可忍服十丸
 薑湯下若未通再服以利為期服藥之後痛
 或愈甚既以流利痛或未除仍陰陽攪亂藏
 之未平且甚痛甚者至於厥逆或面青口禁
 當先以藜合香丸灌之次投此藥治惡心嘔
 逆全不納食此藥微微利通方服溫脾之藥

治赤白痢病心腹疼痛先以此藥微利次方
 斷下兼治男子疝瘕疝氣膀胱奔豚腎氣脚
 氣攻刺入腹亦用此藥微微利之酒積痰飲
 為患婦人血氣並宜服
 五脂丸一名通膈丸

五靈脂淨一兩青皮取末半兩巴豆十餘粒

右為細末水調搗成丸大人茶豆大三丸溫
 水下食後臨臥小兒米粒大一二丸量虛實
 至三五丸若合得經年陳久愈佳中有痰涎
 相混不能施化亦加至七丸傷寒當下用承

氣等湯不能下者可前承氣湯三服此丸三五丸或五七丸即可便也

木香五靈脂丸

木香 二錢 丁香 二錢 肉豆蔻 半兩 三稜

青皮 陳皮 各半兩 牽牛 半兩 五靈脂 五錢

巴豆 四個 去皮油

右為細末醋糊丸茶豆大每服十五丸至二十丸溫水下治胸脇痞悶氣不順心腹疼痛

酒食所傷等證

三倍丸

黃礬 三兩 蛤粉 三兩 巴豆 去皮膜 油一兩

右將礬為末入粉勻再入豆霜滴水丸桐子大每服二三丸水下

解毒丸

雄黃 一分 鬱金 一分 巴豆 去皮油 七個

右為細末醋糊丸茶豆大熱茶清下七丸吐
出頑涎立便蘇省未吐再服如至死者心頭
尤熱口禁藥不下即以鐵單匙幹開或折齒
嚙之藥下咽喉無有不活微吐泄不妨及上
膈壅熱痰涎不利咽喉腫滿目赤癰腫一切

熱毒並宜服之小兒喉腫痛驚熱痰涎壅塞服二丸或三丸量大小加減

軟紅丸 治婦人心痛

杏仁 二十個 巴豆 四個 乾胭脂 十個

白麪 合宜用之

右滴水丸菘豆大每服三丸生薑湯下

比金丸

治小兒驚風體熱喘粗涎嗽心忪頰赤大小便不利夜臥不安

輕粉 半兩 滑石 半兩 南星 二錢 巴豆 三十個

去油取用 青黛 二錢

右細末糊丸麻子大每服一歲兒一丸薄荷湯下如急驚風頭熱足冷口噤面青筋脉抽掣膈中頑涎甚者加一二丸煎桃附湯下蘊毒熱毒涎出立便安愈小兒瘡疥後餘毒宜服此藥解之食後

青娥丸 治喘嗽

巴豆 錢俱二 白礬 半錢

右細末蒸餅丸菘豆大每服二丸甘草湯下食後

柔金丸 治酒積

雄黃 杏仁 巴豆 各等分

右細末寒食麪丸茶豆大乾糖炒令黃色

導氣丸 治內傷積聚 痰飲等証

大黃 甘草 阜角 巴豆 去皮核 一兩 一兩

右吹咀醋糊丸作餅子以穰草蓋如造曲法

發色上有黃衣為度乘風日乾亦得別入

丁香 木香 縮砂仁 三錢

與上同為細末醋糊丸黍米大每服二三丸

白湯下加至四五丸米湯下食後病者大七

丸去黃衣永山陳之綱南頓傳得此方

安中丸

棗 杏仁 白礬 巴豆 十個 十五個 三十個 和皮用

右用蒸餅劑四兩內藥三味各和勻與棗和

餅劑裏慢火燒黃熟去皮一處搗成膏子如

蘿蔔子大每服五七丸白湯下食後

透羅丹 治胸膈痞悶酒食所傷並咳嗽等証

半夏 阜角 杏仁 巴豆 一兩 二兩 六十個 六十個

右四味用麩五升同炒令黃色為度去麩不

用為細末入寒食麪二兩炒黃色醋煮糊丸

如菘豆大每服三丸生薑湯下食遠臨臥
黃帝問曰婦人重身之毒何也岐伯曰有故無損亦
無損也帝曰請聞其故何謂也大積聚其可
犯也衰其大半及大過者死衰其大半不足
以害生故止其藥若過則毒氣內餘則敗損
中和故過積聚潔古老人治積別有法少壯
人無積虛人則有之脾胃怯弱氣血兩衰四
時有感皆能成積若遽以磨堅破結之藥治
之疾似去而人已衰矣乾漆硃砂三稜牽牛
大黃之類藥之暫快藥過則依然氣愈消疾

愈大竟何益哉故善治者當先補虛氣血壯
積自消如滿座君子縱有一小人自然無容
地而出矣不問何藏先調其中使能飲食是
其本也

溫白丸

治心腹積聚久壅癖塊大如杯椀黃疸宿食
朝起嘔吐滿上氣時時腹脹心下堅結上來
搶心傍及兩脇十腫水病八種痞塞翻胃吐
逆飲食噎塞五種淋疾九種心痛積年食不
消化成瘡疾連年不差及療一切諸風身體

頑痺不知痛痒或半身不遂或眉髮墮落及
療七十二種風三十六種遁尸疰忤及癩癩
或婦人諸疾斷續不生治下淋瀝五邪失心
憂愁思慮意不樂飲食無味月水不調及腹
中一切諸疾有似懷孕連年累月羸瘦困弊
或歌如鬼所使但服此藥無不除愈

川烏去皮臍炮 紫苑去苗葉 菖蒲去鬚九節者佳

芫胡洗淨去頭 厚朴去粗皮製 桔梗去黑皮

吳茱萸用湯洗七次焙 阜莢去弦炒 茯苓用沉水者去皮

乾薑炮 黃連去毛 人參去芦頭

巴豆去油心膜 桂皮去粗皮 蜀椒去目炒各半兩

右為細末入巴豆令勻煉蜜丸桐子大每服
三丸生薑湯下食後臨臥服漸加至五六丸

易老治五積 人參 紫苑 心伏梁

菖蒲 黃連 桃仁 脾痞氣

溫白丸加 吳茱萸 乾薑 肺肥氣

菘胡 川芎 腎奔豚 丁香

茯苓 遠志

治伏梁氣在心下結聚不散用桃奴三兩為

未空心溫酒下桃奴是實著樹不落實中者
正月採樹上乾桃是也

萬病感應丸

主治修製並見本方後有全註於上溫白丸

內加

羌活兩半 三稜兩半 甘遂兩半 杏仁兩半

防風兩半 葳靈仙兩一 加上六味却減蜀椒

萬病紫苑丸全註

此藥療治久患痲痺如挽大及諸黃病每地
氣起時上氣衝心遠臍絞痛一切虫咬十種

蠱病及胃冷吐食嘔逆惡心飲食不消天行
時病婦人多年月水不通或腹如懷孕多血
天陰即發又治二十種風頑痺不知年歲晝
夜不安夢與鬼交頭多白屑或哭或笑如鬼
魅所著腹中生瘡服之皆効

紫苑去苗 吳茱萸湯洗七次焙乾 厚朴薑汁製

菖蒲去毛九節者佳 苳胡去苗 桔梗去黑皮

茯苓去皮 阜茨去皮炙 桂枝

乾薑炮 黃連去毛 蜀椒去目及閉口者微炒

巴豆去皮膜出油研 人參去芦各半兩 川烏炮去皮半兩加三錢

加羗活

獨活

防風

等分

右為細末入巴豆勻煉蜜丸如桐子大每服
 三丸漸加至五七丸生薑湯送下食後臨臥
 初有孕者不宜服具引於後有楊駙馬患
 風氣衝心飲食吐逆遍身枯瘦日服五丸至
 七丸服至二十日瀉出內塊蝦蟆五六枚白
 膿二升又趙侍郎先食後吐目無所見耳
 無所聞服至五十日瀉出青蛇五七條長四
 寸許惡膿三升愈王氏患大風疾眉髮墮
 落掌内生瘡服之半月瀉出癩虫二升以馬

尾長寸許後愈

李靈患肥氣服五丸經一

月瀉出肉髓三枚

如黃門卒中風病發時

服藥瀉出惡膿四升赤黃水一升肉虫亂髮

相似愈

李知府妻楊氏帶下病七年血崩

不止骨痿著床日服五丸至十九十五丸取

下膿血五升黃水一升肉塊如鷄子大愈

此藥治一切風患萬病如神惟初有孕者不

宜服其痔痛腸風酒下赤白痢訶子湯下

膿血痢米飲下

墮傷血悶四肢不收酒

下蛔虫絞心攢擲湯下

氣噎憂噎荷葉

湯下 一切風升麻湯下 寸白虫檳榔湯
下 霍亂乾薑湯下 咳嗽杏仁湯下 腰
腎痛豆淋湯下 陰毒傷寒溫酒下 吐逆
生薑湯下 食飲氣塊麪湯下 時氣井花
水下 脾風陳皮湯下 頭痛及心下痛酒
下 大小便不通灯心湯下 因物所傷本
物湯下 吐水梨湯下 氣病乾薑湯下
小兒天風吊搐防已湯下 小兒疳病葱白
湯下 小兒乳食傷白湯下 月信不通煎
紅花酒下 婦人腹痛川芎湯下 懷孕半

年後胎漏艾湯下 有子氣衝心酒下 產
暈痛溫酒下 血氣痛當歸酒下 產後心
腹脹滿豆淋湯下 難產益智湯下 產後
血痢當歸湯下 豆淋湯下 赤白帶下酒煎
艾湯下 解內外傷寒粥飲湯下 室女血
脉不通酒下 子死葵子湯下 又治小兒
驚癇大人癲狂一切風及無孕婦人身上頑
麻狀如虫行四肢俱腫呻吟走痛等疾

耆婆萬應丸

牛黃 射香 犀角 朱砂

俱研 鎊 研飛

雄黃研

黃連去毛

大戟剉炒

芫花醋炒

人參去蘆

茯苓去皮

乾薑炮

肉桂去皮

當歸去蘆

芍藥

甘遂

黃芩

細辛去苗

巴豆去皮心

桔梗去芦

前胡去蘆

紫苑去芦

蒲黃微炒

防風去芦

葶藶炒

川椒去目微炒

桑皮剉油炒

蜈蚣二十八節

去頭足炒

禹餘糧醋浸水

飛研

芫青三十八枚

糯米同炒黃色去頭足翅

石蜥蜴去頭尾足

炙四寸

右為細末入研藥勻煉蜜丸如小豆大療七種癖塊五種癩病十種注忤七種飛屍十二

種蠱毒五種黃病十二種瘡疾十種水病八

種大風十二種痺風並大頭目暗漠漠及上

氣咳嗽喉中如水鷄聲不得臥飲食不作肌

膚五臟滯氣積聚不消壅閉不通心腹脹滿

連及胸背鼓脹氣堅結流入四肢或腹脹心

膈氣滿無時舉發十年二十年不瘥五種不

利並蚘虫寸白虫諸虫上下冷熱久積痰飲

令人多眠睡消瘦無力蔭入骨髓便成滯疾

身體氣腫飲食嘔逆腰脚酸疼四肢沉重不

能久行並婦人因產冷入子藏藏中不淨或

閉塞不通胸中瘀血冷白帶流出不盡時時
 疼痛為患或由此斷產並小兒赤白下利及
 狐臭耳聾鼻塞等病服此藥以三丸為一劑
 服藥不過三劑萬病悉除說無窮盡故稱萬
 病丸若一歲以下小兒有疾者令乳母服兩
 小豆大亦以吐以利為度有近病及卒病
 皆用多積久病少服常服微澹利為度卒病
 欲死服三丸取利瘥卒中惡口噤服二丸
 漿水一合微下利即瘥五注鬼刺客忤服
 二丸男女邪病歌哭腹大如妊身服二丸日

三夜一間食服之 蠱毒吐血腹痛如刺服
 二丸若不瘥更服 諸有痰服三丸冷癖服
 三丸日三服皆間服常令微澹利 宿食不
 消服二丸取利 癥瘕積聚二丸日三服
 拘急腹脹滿心痛服三丸 上氣嘔逆胸滿
 不得眠服二丸不瘥再服大利服二丸服日
 三服 疴濕服二丸以一丸如杏仁大和鮮
 泔二合灌下部中 水病服三丸日再服間
 食服之差即止人弱隔日服 頭痛惡寒服
 二丸覆取汗 傷寒天行服二丸日三間食

服之小便不通服二丸不瘥明日更服
 大便不通服三丸又內一丸下部中即通
 耳聾時耳以綿裹如棗核塞之鼻衄服二
 丸癰疽疔瘡破腫服一丸如麻子大日傳
 之根亦自出大犯疔瘡血出以豬脂和塗有
 孔則內孔中瘥癩瘡鮮泔洗訖取藥和豬
 脂塗之漏瘡有孔以一丸內孔中和豬脂
 傅之痔瘡塗綿筋上內孔中日別易瘥癩
 瘡以豬脂和塗瘡癬瘡以布揩令汗出以
 鮮汁和塗上日一易瘥胸背腰脇腫以醋

和傅腫上日一易又服二丸諸冷瘡積年
 不瘥以鮮泔和塗之惡刺以一丸內瘡孔中
 即瘥蝮蛇螫以少許內螫處若毒入腹心
 煩欲絕者服三丸蝎螫以少許塗之蜂螫以
 少許傅之婦人諸疾胞衣不下服二丸
 小兒驚疳服一丸如米許又以塗乳令啞之
 看見大小量與服之小兒客忤一丸如米
 大和乳塗頭與啞之以意量之小兒乳不
 消心腹脹滿一丸如米許塗乳頭令啞取瘥
 瘡疾未發前服一丸未差更服

小射香丸 治鬼注飛尸厲疾

射香 三分 雄黃 別研 當歸 焙 丹砂 別研各四分

大乾薑 炮 桂心 芍藥 細辛 各五錢

莽草 炙 犀角 屑 梔子 各三錢 巴豆 五十個去皮心生用

烏頭 炮去皮臍各五枚重半兩 附子 炮去皮臍 蜈蚣 二條去足炒

右為細末和白蜜丸搗至千杵如菉豆大或

小豆大每服二丸日服漸加至四丸五丸

神保丸 主治脩製並見局方

治膀胱氣上至兩脇心腹疼痛一投而效

巴豆 胡椒 蝎稍 木香

右末朱砂為衣有人病項筋痛醫作風治不効久久又注兩脇甚苦合一投而瘥

已上例中諸藥凡用巴豆新者峻利力大陳者緩慢力小欲急治者宜新欲緩治者宜陳或有用新者云藥經年愈亦待陳之意也

齊用博濟王藥錄手愈志林明之意也

諸君以此心為念故皆宜薄為藥者宜宜期而

曰生肉中諸藥凡用白豆薄者勉為代大期

醫壘元戎卷第六

醫壘元戎卷第六

